

Duzlingz Dang Gyauoeng Gingjcaz

猴子当交通警察

□ Mungz Ningz / 蒙宁

Youq aen ndoengfaex hung, miz haujlai doenghduz gaenxhong youq. Ginggvaq caezgya sinhoj guh gong, noucoengz iq cawx ndaej danci, “dinglingling” caen lengj. Muindaem gwih dwk mozdozceh, “du du du” caen vifung! Duzciengh hai aen ci yinh huq, buet bae buet dauq muengz daeh doxgaiq……

Ci lai dwg gienh saeh ndei, biujmingz gij saedcej caezgya cungj gvaq ndaej ndei hwnjdaej lo! Hoeng, roeggaphau canghyw cix simnyap lo. Aenvih gij gyauoeng saehhux beij gaxgonq engq lai. Ndoengfaex yihyen yaek hawj bouxsieng youq rim lo.

Baenzlawz guh ne? Caezgya gietdingh baij duzlingz lingzvued bae ndaw singz hag gyauoeng gveihcwz, dauqma le dang gyauoeng gingjcaz.

Duzlingz dauqma lo, de dawz gij doxgaiq hag ndaej bien baenz go,

youq ndoengfaex gvangjbo dendaiz son ciengq:

Ci hung ci iq byaij baihsuix,

Bakloh cibcih aeu yawj cing.

Daeng loeg byaij, daeng hoengz dingz,

Daeng henj rongh seiz yaek bwh byaij.

Gig vaiq, caezgya cungj rox ciengq, hix cungj ciuq guh lo.

Hoeng, byawz siengj daengz, gyauoeng gveihcwz ngamq guh ngoenzdaih’it couh luenh lo. Aen ndaeng duzciengh deng bungq, lwed lae lumj raemxdah nei; ga muimeuz deng at raek lo, in ndaej hemqyaya; baihlaeng caekhaex noucoengz cij lw buenq diuz rieng, daj gwnz faex roengzdaej cungj laemx youq gwnz namh……

Duzlingz hojsouh dangqmaz. De siengj mbouj doeng gij gyauoeng gveihcwz, vihmaz youq ndaw singz

hung guh ndaej gig ndei, youq ndaw ndoengfaex couh mbouj lingz ne? Ildingh aeu caz cingcuj.

De sien caz daenggyauoeng, daeng dwg ndei, youh bae caz moix aen ci, ci hix mbouj miz maz mauzbingh, doeklaeng gietdingh caz ndang doenghduz youq ndaw ndoengfaex youq. Youq roeggaphau canghyw bangcoh lajde, cazyawj lwgda moix cungj doenghduz. Laxlawz cawzliux duzlingz caeuq yahvaiz, gizyawz doenghduz youq ndoengfaex cungj dwg swzmangz. Gyoengqde faen mbouj ok saekhoengz, saekloeg caeuq saekhenj, ndigah mboujguenj daeng saek maz rongh, cungj gyonj byaij gyonj hai.

Duzlingz yied siengj yied siengsim, de siengj vih caezgya guh saeh ndei, doeklaeng cix hawj haujlai doenghduz deng sieng, youq yihyen ywbingh.

Duzlingz ngeix bae ngeix dauq,

ngeix ngoenzhwnz ndeu, cungjsuenq siengj ok aen banhlap ndei daej lo.

Ngoenzdaihngelh, ndoengfaex gvangjbo dendaiz, cezmuz gvangjbo gyauoeng bo souj go moq ndeu daej:

Aen ci baedauq byaij baihgvaiz,

Bakloh cibcih aeu yawj cing.

“Samgak” byaij, “fuenggak” dingz,

Yawjraen aen luenz couh bwh byaij.

Duzlingz dawz daengloeg gaij guh hingzsamgak, doenghoengz gaij guh hingzcingqfueng, daenghenj gaij guh aenluenz, yienghneix couhcinj byawz dwg swzmangz, hix ndaej daj hingzcang aen daeng daej faenbied dingz roxnaeuz byaij. Daj seizhaenx hwnj, ndoengfaex gyauoeng cizsi ndei lai lo. Caezgya cungj haenh duzlingz dwg boux gyauoeng gingjcaz coengmingz dahraix.

Daemzlingz Suijgu

灵塘水库

□ Vangz Gozgvanh / 黄国观

Guengjsae Bingzgoj Yen miz aen suiigu geizheih ndeu, heuhguh Daemzlingz Suijgu. Gyoengqvunz bonjdeih gangj, aen suiigu neix, mboujguenj raemx baenzlawz hwnjlai, aen dauj iq cingqgyang cungj mbouj rox deng dumh. Miz vunz gaenq youq suiigu dwk ndaej bya, aeu muengx daej laengz ciengx youq ndaw suiigu, naemj ngoenzlaeng couh dawz daengz gwnz haw bae gai. Byawz rox ngoenzlaeng daengz bangx suiigu, riuj muengx hwnjdaej baez yawj, ndaw muengx mbouj miz saek duz bya, couh lienz vengq gyaep bya hix mbouj raen. Gyoengqvunz bonjdeih rox cungj naeuz dwg duzlungz yienj lingz lo. Duzlungz dauqdaej caeuq aen suiigu neix miz maz doxlien ne?

Riuznaeuz, aen suiigu neix gaxgonq dwg aen daemz ndeu, heuhguh Daemzraez. Youq henz Daemzraez miz aen mbanj ndeu. Miz ngoenz he, dienheiq aeng lai, lumjbaenz yaek doek fwn lo. Miz boux vunz ndeu youq ndaw ranz, yawjraen duz bya ndeu cingq bin coh bak dou ranz de. De nyinhnaeuz swheij dava lo, uet mbat da ndeu caiq yawj, caen dwg duz bya ndeu. De doq buet gvaqbae, sim’angq vauvau gip dawz duzbya hwnjdaej, ngiengxgyaeuj coh baihrog baez yawj, raen ndaw mbanj

gwnz namh cungj miz bya bin.

Gyoengqvunz ndaw mbanj hix fatyienh lo. Seizhaenx, daengx mbanj cungj nauhyied hwnjdaej, gya’gya hohhoh, mboujguenj dwg bouxsai roxnaeuz mehmbwk, vanzlij bouxlaux roxnaeuz lwgnyez, cungj angqyangz dwk buet ok bakdou daej gip aeu gij bya, cuengq roengz ndij caeuq swx bae. Gyoengq bya neix yenzlaiz dwg daj Daemzraez bin hwnj, haujlai vunz youh buet daengz henz daemz bae, lumj gip rin nei gip aeu bya. Haemhde, ranzranz lumj gvaq ciet nei, cien, cawj roxnaeuz gug gwn gij bya begbeg gip ndaej, mizfeih dangqmaz. Miz vunz maez gwn bya ndip, couh caemj roengz liuhrang bae, mizdauh ciekiek cimzgnv nohbya. Ndw hoengheiq cungj rang feih bya. Gwn rim dungx rim hoz le, gaenq haiej laep lo, gyoengqvunz hozhaih dwk caem haiej fangzhwnz bae.

Byonghhwnz, rumz hung ci daej, byajyap byajraez, fwn hung yaek daej lo. Raemxfwn lumj miz vunz youq gwnzmbwn aeu bat raix roengzdaej nei, gij ranzhaz youq gij rumz ci fwn soen lajde dingj mbouj ndaej lo. Gij haz dingjranz deng rumz hung ci hwnj gwnzmbwn bae, youh deng gij fwn dwk doek roengz namh daej, gij ciengz naez deng fwn cung yaek



Raemxdiuqdat youq ndaw bya heu laelingling.

byoengq doemq roengz. Gyoengqvunz saenzrubrub, mbouj miz muengh dwk yawj coh gij mbwn laepsaengsaeng, mbouj rox mbwn vihmaz baenzneix doiq gyoengqde. Hoeng, gij saeh vunz mbanj engq siengj mbouj daengz daej lo. Gizgyae, raemxhung langhlangh gyonj gij sa, rin caeuq faex itloh gvaqdaej, gyangyak sojmiz, aen mbanj raemhrwnh bienqbaenz haijyangz gvangqlangh.

Mbwn rongh, miz aen ranz haz ndeu daengj youq ndaw gyang raemx, miz boux mehyah ndeu ndwn youq bakdou, raemxda laevangvang. De couhdwg yahmaiq singq Max ndaw mbanj. Ngoenzlwenz, de hix yawjraen ndaw mbanj seiqlengq cungj miz bya, de yaek bae gip seiz, miz duz bya ndeu bin daengz rog bakdou ranz de. De raen duz bya neix song da lumj miz raemxda yaek lae roengz, yawj hwnjdaej hojlien lai lo. De couh gip duz bya neix cuengq roengz aen bat

cang miz raemx bae. Haemhhaenx, yahmaiq singq Max simsienh, mbouj nyaenx gwn duz bya neix, couh laeglemx dawz de cuengq roengz Daemzraez bae lo. Ndigah de ndaej mienx gij cai neix.

Dingqnaeuz, duz bya yahmaiq singq Max cuengq roengz ndaw daemz neix, dwg gij lwglan duzbyaj gwnzmbwn. Ngoenzlwenz, gyoengqde doxbuenx hwnj mboek, dwg aenvih duzbyaj yaek roengzdaej cazyawj gij cingzgvang lajbiengz. Byawz siengj daengz gyoengq bya lwglan duzbyaj gawqyienz deng vunz mbanj neix gwn roengz dungx bae. Duzbyaj hozndat dengdeng, couh fat ciengz rumzfwn hung neix, dumh aen mbanj neix bae. Duz bya ndaej cuengq dauq haenx gig haenqrengz gouz duzbyaj, de cij hawj yahmaiq singq Max lix roengzdaej.

Baenzneix gangj Daemzlingz goj miz heiqlingz!